

Podèquye no manquin de rejan é de rejante a doïnt'écoûa?

A chortchyâ, youn di crouè demande à rejànte d'îni o t'idjyë à ënféâ é böte. É chon d'ûre à éj ënféâ. Apréi aey bitchyâ, teryâ, bitchyâ, teryâ de tchyuî é béi, é böte chon enféeyte.

A ché momin, i crouè di a rejànta:

- Rejànta, chon a ënvey.

I rejànta che chin ergognœûja can i véy que, ën efë, é böte chon metchuéyte dû crouéi bé. Noâe manûra po éj otâ. I crouè chöbre tranquéya tan qu'à can é böte chon remetchuéyte dû bon béi, pé bon pyâ.

É adon i crouè di: " Rejànta ste böte, chon pâ a me!"

Adon, i rejànta fé oun gro ënfo po pâ teryë de yoûna, i che càlme é demande û grë podèquye a pâ di déan.

"Bon alin, noje é otin" é i che më à tâtse. Can é böte chon jûey otâye, i crouè di:

" Chon pâ é moué böte, mà chon hlë dû myô frère. I màma m'a di que déö éje mètre."

Ën ché momin, i rejànta a envey de queryâ coûme oûna deperdjueyte é i enrîye a remètre é böte û doïn. Por ënournî, o te më drey, enfîye o manté, o bonë é demande:

"Prâvoue chon é tchyô gan?"

É i crouè di: " Éj i metû derën é böte"

Traduction Maurice Michelet